

ऋ॒तवः॑ खलु॒ वै दे॒वाः पि॒तरः॑ । ऋ॒तूने॒व दे॒वान् पि॒-
तृ॒न्प्री॑णाति । तान् प्री॒तान् । म॒नुष्याः॑ पि॒तरो॒नुप्र॑पि-
यते । स॒कृदा॑च्छि॒न्नं ब॒र्हिर्भ॑वति । स॒कृदि॒व हि पि॒तरः॑ ।
त्रि॒र्निर्द॑धाति । तृ॒तीये वा॒ङ्मते॒लोके पि॒तरः॑ । ताने॒व
प्री॑णाति । परा॒ङ्माव॑र्त्तते ॥ ५ ॥

ह्यी॒काहि॑ पि॒तरः॑ । ओ॒ष्मणो॑व्या॒वृत॑उपास्ते । ऊ॒ष्म
भा॒गाहि॑ पि॒तरः॑ । ब्र॒ह्मवा॒दिनो॑ वदन्ति । प्रा॒श्यां३ न
प्रा॒श्या३ मिति॑ । यत्प्रा॒श्नीया॑त् । ज॒न्यम॑न्नमद्यात् । प्र॒मा-
यु॒कः स्या॑त् । यन्न प्रा॒श्नीया॑त् । अ॒हविः॑ स्यात् ॥ ६ ॥

पि॒तृभ्य॑आ॒वृश्चे॑त् । अ॒वघ्रे॑यमे॒व । तन्ने॒व प्रा॑शि-
तन्ने॒वाप्रा॑शितं । वी॒रं वै वा पि॒तरः॑ प्र॒यन्तो॑हर॑न्ति ।
वी॒रं वा द॑दति । द॒शाञ्छि॑नत्ति । ह॒रण॑भा॒गाहि॑ पि॒तरः॑ ।
पि॒तृने॒व नि॒रव॑दयते । उ॒त्तर॑आ॒युषि॑ लो॒मं छि॑न्दीत ।
पि॒तृणां॑ ह्येत॒र्हि ने॒दीयः॑ ॥ ७ ॥

नम॑स्करोति । न॒मस्का॑रोहि पि॒तृणां॑ । नमो॑वः पि॒त-
रो॒रसा॑य । नमो॑वः पि॒तरः॑ शु॒ष्माय॑ । नमो॑वः पि॒तरो
जी॒वाय॑ । नमो॑वः पि॒तरः॑ स्व॒धायै॑ । नमो॑वः पि॒तरो म॒-
न्यवे॑ । नमो॑वः पि॒तरो॒घोरा॑य । पि॒तरो॒नमो॑वः । य-
ए॒तस्मिँ॑लोके स्थ ॥ ८ ॥